

Broj protokola: 87/20  
Datum: 8.12.2020.

Upravni odbor Udruženja filmskih radnika u FBiH, na Sjednici održanoj dana 8.12.2020, donosi

## **Pravilnik o davanju pismene podrške/preporuke Udruženja filmskih radnika FBiH**

### **Član 1.**

Ovim Pravilnikom reguliše se način na koji član Udruženja filmskih radnika FBiH ili općenito filmski profesionalac (fizičko lice) ili pravno lice može tražiti pismenu podršku/preporuku Udruženja za izbor u Status istaknutog umjetnika ili u svrhu prijavljivana za imenovanje na pozicije od značaja i iz oblasti filmske umjetnosti, filmske industrije i kulture, programe i projekte ili u bilo koje druge profesionalne svrhe.

### **Član 2.**

Član Udruženja, filmski profesionalac ili pravno lice podnosi molbu za podršku/preporuku blagovremeno, a najmanje 7 dana prije nego što mu je potrebna. Molba se sastoji od sljedećih dokumenata:

1. Molba s pismom namjere za pismenu podršku/preporuku Udruženja filmskih radnika. Pravna lica molbu dostavljaju na memorandumu s datumom, brojem protokola i pečatom.
2. Biografija s filmografijom za fizičko lice, ukoliko se ne radi o članu Udruženja filmskih radnika; za pravna lica profil s odgovarajućim informacijama o djelatnosti pravnog lica.
3. Program rada, ukoliko se traži podrška za imenovanje na pozicije od značaja za filmsku umjetnost, filmsku industriju i kulturu.
4. Za pravna lica, uvjerenje o registraciji kod nadležnih institucija i uvjerenje/potvrdu da je potpisnik molbe osoba ovlaštena da predstavlja pravno lice koje traži podršku/preporuku od UFRBiH

Aplikant dostavlja navedene dokumente Udruženju filmskih radnika FBiH u pismenoj formi lično, poštom ili elektronskim putem.

Udruženje protokoliše molbu, te je prosljeđuje Sekretaru Udruženja na obradu, koji zatim prosljeđuje članovima Upravnog odbora sa svojim mišljenjem.

### **Član 3.**

Odluku o podršci i preporuci aplikantu donosi Upravni odbor UFRBiH, na osnovu dokumentacije koju je ranije pregledao Sekretar Udruženja i utvrdio da nema nedostataka. Članovi Upravnog odbora o davanju podrške odlučuju većinom glasova.

Član Udruženja koji se obraća za pismo podrške/preporuke, a član je Upravnog odbora, nema pravo glasa u procesu glasanja.

Upravni odbor može zahtijevati od aplikanta da usmeno prezentira sadržaj molbe i plan rada i nakon toga donijeti odluku.

Udruženje filmskih radnika ima obavezu da podržava aplikante čiji je plan rada u skladu sa Statutom Udruženja filmskih radnika i u interesu je filmske zajednice.

### **Član 4.**

Udruženje ima pravo povući podršku kandidatu ili instituciji, kojima je prethodno pružilo podršku u slučaju odstupanja od predloženog plana rada.

### **Član 5.**

Ovaj Pravilnik stupa na snagu danom donošenja, a izmjene i dopune Pravilnika vršit će Upravni odbor ili Skupština UFRuFBiH.

Predsjednica  
Elma Tataragić